

兩浙名賢錄

兩浙名賢錄卷三十八目次

清正

明四

吏部尚書聞靜中淵

臨江府知府徐子淳顯

副都御史孫道甫繼魯

右副都御史石兼伯簡

都察院右僉都御史吳峻伯維嶽

父麟叔龍
弟維京附

右副都御史葉景暘照

巡撫陶景熙大順

子允淳從
子允宜附

應天府通判呂伯時言

太僕寺丞張有功遜業

貴州叅政陳中孚良謨

順天尹查性甫秉彝

子志
宏附

刑科都給事周孟登崑

四川左叅議韋希尹商臣

江西叅政陶長卿大年

尚寶寺丞陳石卿鯨

廣平府知府翁輔卿相

翰林侍讀學士諸大綬

鶴慶知府沈子輕南金

贛縣訓導龔希文象

弟驥附

貴州按察使劉元白玠

子附

山東巡按御史葉叔明經

雲南副使姚夢賢良弼

萊州府知府錢大行同文

廣西布政許子春應元

汝寧府知府賈名儒

四川副使孫右文校

工部員外呂宗文穆

伯子傳
祖附

太僕少卿周允直如砥

湖廣副使徐鳴川鷗

孫繼
美附

吏部侍郎姚繼文弘謨

開封府知府許堪

刑部主事郁文芳蘭

刑部尚書孫斯立植

廣西副使趙子衡

子邦
秩附

按察副使陳彥材

山西參議徐仲孚

吏部尚書嚴直甫

刑部主事俞一清

按察使馮晉叔

觀子有翼
孫貢附

兵科給事許貫之

臨江府通判陸子任

河南副使沈子進

科

江西布政使秦鳴和鈞

貴州按察使郭可忠孝

吏部尚書陳登之有年

秦州知州尤元明

子弘遠附

少詹黃懋忠洪憲

父琮子承玄附

錦衣項子南元津

通政司參議朱洪虞廷益

兩浙名賢錄卷之三十八目次終

兩浙名賢錄卷之三十八

東海徐象梅仲和氏謨

武原陳 梁則梁氏闕

清正

明四 共六十四人

吏部尚書聞靜中淵

聞淵字靜中鄞人弘治乙丑進士授禮部主客司主事
正德初劉瑾亂政裁主事員改淵刑部廣東司會部中
失囚淵與同舍郎當坐瑾徇陰急淵使人語之曰淵來

清正

吾且爲之地。淵謝曰：罪在我，何敢抵。樵闕。天子。即無罪，彼其如我何。卒不往。同舍郎蒲伏謁瑾。淵委蛇自若。瑾曰：聞郎貌似夫子，臨辱不驚，固賢者。卒謝罷。淵於是朝士聞之，皆稱聞夫子。及瑾逆節著，對簿大廷。瑾睡，馳廷中，詞不服。淵搃筆具獄，數曰：瑾偽造符璽，私畜甲兵，人臣無將，當大逆。瑾語寒，遂伏誅。改吏部員外郎。轉考功郎中。當上計時，朱寧用事，諸所關說無不從。會吏某某賂寧，幸得免。太宰計未決，乃私語淵。二豪得寧寧能得。上卽議斥。上不從。奈何。淵對曰：三載黜陟。

官守之謂何。卽弗從。守官可也。乃竟議斥。有詔從中留之。淵益以謗。謗聞。尋轉選部。益有聲。進南京通政司右通政。居三年。進應天府府尹。嘉靖初。永嘉張聰。安仁桂萼。並以南部郎議大禮。衆持論不合。淵獨以爲然。永嘉謁淵。幸得借淵名列疏首。淵謝不可。終不欲勦說。以結主知。及張桂被召入京。請應天請舟往。淵正色曰。君命召。不俟駕安。得舟游乎。張桂自此銜淵。尋改順天府府尹。勲貴諸豪舉。皆斂手。千里稱平。晉太常寺卿。有頃。進南京兵部右侍郎。薦武臣馬永等十餘曹。其後皆有寒

外功稱名將，召拜刑部右侍郎，歷九載，始進南京刑部尚書。南京獄訟故繁，淵勤視爰書，甚或中夜不寢。諸子以爲請，淵歎曰：「此疑獄也。少年文吏深入之，吾將爲之求生，忽不自知其疲耳。」淵始以尚書就道，永嘉囑曰：「僕往在南京刑部，嘗題詩郎舍中公，往願爲我勒石，樹後堂，淵不答。其後僚屬遞至，皆爲永嘉致叮嚀。淵徐答曰：「此部尚書堂也。紀法在焉。淵待罪尚書，安敢以相君今日故爲郎官勒石，卒不許。」張益以此銜淵。九廟災，自陳不職，張擬旨策免淵。上不從，改南京吏部尚書。

復入爲刑部尚書。刑部諸曹郎鮮事事率以優游相高。淵至則以籍授司門籍記諸郎人舍先後於是諸郎皆折節勤事。淵以躬行先之日論報上十餘章無留獄進吏部尚書。勝正已以表庶官嘗問諸郎曰先朝太宰執優對曰無如蹇忠定王忠肅。淵曰固也。耿文恪方可否事少宰從左右贊一辭文恪宣言曰天子建天官一人耳安得二天官耶。宰正百官文恪近之矣。諸郎退相語也。淵無讓三君子云。淵節儉出於天性卽退食尚書署十年着一敝冠位置有常不失尺寸朝食及日中無

加豆夕則飲水一杯。家食十餘年，不問諸子生產，未幾卒。有司以聞。世廟輟朝三日，乃贈少保，謚莊簡，祭葬。錄蔭部議悉從。優制曰可。

臨江府知府徐子淳頴

徐頴字子淳，錢塘人。正德十一年，舉鄉試高等。十五年，會試中式。明年辛巳，爲世宗初策士，賜進士出身。授南京刑部廣東司主事。廣東司職理京畿訟獄，號繁劇難治。頴旣明察，強力有執守，日孜孜，究心法家言。踰年，大開習所書獄詞，老吏不如也。由是練達刑名之譽。奕

奕播留都間而顧耻以刀筆自居折節講學慨然慕程
明道朱晦菴之爲人顓素侗儻不羈高論時出人意表
至是一變頓爲沉黙簡重意氣雍容如也未幾進員外
郎郎中就署內建澄心亭暇則靜修於中無何以外艱
去服闋仍原官當是時蘭谿唐某爲少宰延訪天下士
士多推轂顓者少宰就見顓驟問責難於君何以謂之
難顓對曰君所謂可而有否者焉臣獻其否以成其可
君所謂否而有可者焉臣獻其可以去其否茲何容易
矣而老生常談堯舜之道爲難奚其難少宰悅以顓可

任大用薦爲北禮部儀制司郎中蓋殊調也。皇上方
嚮意稽古禮文之事札下春官無虛日顯咸爲草創其
儀無遺謬者屬天下歲貢生候部至二百人顯爲建白
聽其附試京府以廣旁求路蓋禮部歲貢生預鄉試始
此顯克厲守高公卿以下干請一切不行要在絕私交
行已志專心上報而已以嚴見憚不得久在內出爲臨
江守躬勤庶政常風興以矯游惰撻奸發伏如神明民
莫敢欺達官貴人取道臨江者泊舟去府治且三十里
顯雅意不游聲譽非大事弗出郭要人請託輒拒之曰

寧負權臣不負吾民。又郡中貴強之家，抵禁痛繩，以法不少貸。治郡幾五年，不遷。考績行過家，居兩月，一疾卒。年四十有二。顯少時善飲酒，父嘗戒之，絕口不飲。及歲鳴舉，解猶以未奉父命爲辭。人以比之陶侃，爲難能云。

副都御史孫道甫繼魯

孫繼魯字道甫，其先錢塘人。高祖維賢，以太學生言事，謫戍雲南右衛，遂家焉。南中孫氏自賢始。賢生理理生鐸，鐸生三子：祥、禴、禔。禔生數子，魯其一也。已卯舉於鄉。登癸未姚涑榜進士，出知湖廣澧州。因事改國子助教。

以經學著。歷戶部員外郎、郎中。擢守衛輝。會歲蝗。旱。蝗蝻誠禱於天。蝗害除。而大雨隨。應民以爲神。嘗路特薦。請知淮安。淮安亦遭旱。魯亦竭誠禱於天。大雨亦隨。應如衛輝。歲仍大熟。士民每晨夕焚香。尸祝之。士曰。我隨民曰。我父無何中官奉命織造江南。道經淮。大作威福。魯抗阻之。遂構疏於朝。逮詔獄。時執政者力護解。得無事。魯出弗謝。然而所遭非霍譴也。茅禍本矣。遂調知貴之黎平。黎苗境也。魯宜猷敷德。不鄙夷之。而苗亦格心。擢湖廣提學副使。陞山西左叅政。分守荊南。登潘欽。賊。

專陞山東按察使。士民擁馬首不得去。而宗藩百餘人以其持法。銜之。謀挾焉。解其裝。惟敝衣屢。無囊金。衆愕曰。我高皇帝御宇。迄今百七十餘年。罕見此官。乃相率載酒。追於郊。至晉持法益堅。凡王府備暴弗靖。悉置之。法弗少貸。兩臺交薦。乃擢陝西右布政使。晉提督。雁門等處兼巡撫。山西右副都御史。安攘大計。以心永肩。而文經武緯。譽望重於一時。會有西陲之役。持論與總督不合。竟被誣。下錦衣獄。先是陝西御史楊爵在獄中。無楮具。以破碗劃壁。倡和百餘詩。名破碗集。知魯者以

百口保之。山西有宗藩抗疏救辯，即前解裝肆挾者也。魯方讀易獄中，進退存亡付之一編，而執政阱之不已。竟疽發於背卒，年僅五十。朝野聞而哀之，還葬先堂之次。隆慶改元，言官請曰：原任山西巡撫副都御史孫繼魯特死非辜，深爲可憫，乞賜褒錄。制曰：可。其贈孫繼魯兵部左侍郎，謚清愍。蔭一子入監讀書，給銀三百兩，勅有司董祠祭。嗟夫魯之清聲直節，至是在天下萬世矣。

右副都御史石蕙伯簡

石簡，字蕙伯，台之寧海人。登嘉靖癸未科進士，授江西

餘干縣知縣陞南京兵部武選司郎中。考績之京，不議見。權要權要銜之，僅轉刑部陝西司郎中。改南京吏部文選郎，出知廣東高州府。高州當徃賊焚掠之餘，多方料理，民得蕪息。民戴之如父母。以才調直隸安慶府。歸途遇盜，發其囊橐如洗，盜噴噴去。安慶地當七省之衝，應酬不暇，民甚苦之。爲之均賦役，節冗費。歲計省銀四萬兩。刑爲令。迄今不廢。陞雲南兵備副使。轉湖廣按察使。未幾陞貴州左布政使。所至聲績赫然。時五溪諸蠻四出劫掠，攻勦弗克。撫按以簡威望素著，檄委招撫。簡

單騎而往。諭以禍福。悉倒戈降。無何以病乞身歸。久之。以薦補山東左布政使。晉雲南巡撫。都御史而沒。簡平生忠信剛介。利之所在。一介不苟。義所當爲。貞志不回。故蒞職精明。政績炳炳。所得俸餘。悉周親族。囊無餘藏。嘗營一室。弗克落成。終之日。幾不能具棺殮。蓋入官三十年。而以貧終身。如簡者。不易見也。

右僉都御史吳峻伯維嶽

父麟叔龍弟維京附

吳維嶽字峻伯。孝豐人。父麟與弟龍同舉。嘉靖丙戌榜進士。並官藩臬。有聲。維嶽之始降也。麟夢舍後山高出。

雲表岩岩嶽立，因以命名。丁酉鄉薦第五，明年成進士。除江陰縣知縣，三載應召，得刑部尚書郎，會虜大入，收兵部尚書，坐吏議輕，連坐議者，獄從容。上疏曰：尚書無他，獨事重發耳，不報然。廷中獨多吳郎，慮因江西因得從末滅者，萬五百人，仇者侵徐滾母家，滾殺之，獄當曰：滾以母故殺人，且侵冢，在辟，滾得免。劉福德讓里媪子不孝，里媪子出惡言，福德怒，毆殺里媪子，獄當曰：誅不孝，奈何與不孝子等死邪？從輕議釋之。尋轉駕部，歷員外郎，陞按察司副使，督學山東。嶽下車，捧功令惟謹。

傲孔顏孟三氏教授司定約法勒石學舍宣言曰建首
善請自三氏始其世世守之廣厲諸生務在躬化所至
左右文行無不當於人心五年進湖廣布政右叅議尋
陞江西按察使已拜都察院右僉都御史巡撫貴州貴
州半雜夷道多剽掠乃馳羽檄分道遣材官護游校偵
察之嚴踐更懸賞格凡夷寨各立夷長籍記寨中諸夷
若干人保界分區界內有犯者坐夷長諸夷無敢竊發
道乃通於是嶽部署諸夷輒不法者相次就擒境內底
定會以人言改南去嶽疆直方正不取苟容其初令江

陰也舒御史汀行縣故亭御史謁廟縣官長跪候車下
御史方辭訖諸縣官恭甚嶽獨倡言曰天子置縣官
南面而臨百里且先師在奈何曲跪而礙橋門御史且
攝之然卒未有以中也嚴分宜嘗屬嶽序鈴山詩嶽因
辭謝留山東不調客以行聞說嶽謝曰僕待罪備宗終
不以善士而闖相國卒以直道不容歸田里時季弟維
京亦自禮部移官嶽語曰吾結髮入官齒駸駸暮矣自
今惟日計諸子而誦忠孝力耕稼供田租此吾事也季
齒壯其毋忘先業以報國家未幾疾作召季與諸子訣

無私言。怨張目曰：鄉人某子甲，往饋朱衣，母陔飲乃。其
右副都御史葉景暘照。

葉照字景暘，宋葉水心之後。年十八，領鄉薦。始歸娶，再
上春宮不第。益旦夕下帷讀書，恂恂如諸生。時絕不游
迹游宴。嘉靖癸未，登進士第，授石埭知縣。以才詞繁新，
建邑隸省城，最號繁劇。照區劃裁剗，咸中倫度，案無留
積。獄無滯囚。以最聞，徵拜貴州道監察御史。出巡遼、鳳、
再按河南，劾舉不事苛細風裁峻卓。出副使廣東，遷
海道。廣東番船奸商多竄入島夷爲市。照嚴下泚之罰。

申互市之禁。海道肅清。未嘗搜珍奇以餽朝貴。久之陞
廣西右叅政。晉山東左布政使。拜都察院右副都御史。
撫治鄆陽。三省流民以萬計。易動難安。照鎮以惠靜民。
狎於野來歸者三倍於舊時。時時念父母春秋高。引疾
乞歸。再請而後得肯。歸承色養。餘一年。父母相繼歿。哀
毀過禮。凡衣食棺槨必期於誠信。不事瀟文。因舊廬稍
加葺治。無所增。分二子田。不取一頃。服食儉素。蕭然如
寒士。及卒。囊無餘貲。所著有用拙稿。美齋錄。澤盈集。若
千卷。藏於家。

廣西巡撫陶景熙大順

子允淳從子允宜附

陶大順字景熙莊敏公誥之長子文德公大廉之孫也
弱冠從莊敏官京師以三河籍中順天鄉試時南大附
籍舉者凡九人北士驪於朝順與八人者皆歸克本縣
廩生又十六年戊午再舉於鄉又八年借其子允淳成
乙丑進士授工部都水司主事以父老移疾歸養終喪
起補武選陞職方員外郎歷郎中當是時此虜初款塞
約束未堅奏牒下上日不暇給順條畫詳練事備以辦
諸債帥交關中貴人一切符不用干請遂絕而是時文

傳亦已爲吏部侍郎兄弟並管樞機授文武材士進用
之名爲得人門庭肅清外無餽問而性俱周慎退食冲
然雖賓客羣居莫能窺其際也子允淳時爲尚寶司丞
而文僖子允宜復舉禮部軒騎出入京師中以爲盛事
職方又次當選列卿屬文僖卒官尚寶丞以使還歿於
家遂力請外補得湖廣兵備副使乃歸經紀葬事請官
久之遷山東糧儲道叅政會裁冗員官在裁中歸居四
年復補湖廣明年擢都察院右副都御史巡撫廣西無
何中言者致仕歸順景議通敏氣慮深沉平居恂恂抑

畏臨事裁斷澗然無滯所決獄平反甚多楚之郟邑與
宜慰司隣民相與訟有司召其人來讞不至捕之扞捕
者志以叛聞發兵討得二十七人奏聞當死會官論決
順知其寃至是平立不署曰就所書獄此拒捕耳非叛
也御史勳色曰公言是也然業已奉詔當奈何乃殺一
人餘乃獲免時遞按御史楊四知當決囚屬順差其必
無赦者十人甲乙以報而復爲篋笑納筒中禱而探之
所探笑視順所差前後無一人爽四知喜而謝曰公之
明允乃仰符天意乎宦游凡三十年徒仰祿人居楚時

至斥私奉金二千兩以繕省城。及長闕。薄磨錢數之。最久。尤謹嫌疑。每出內。盛以郡佐。涉筆署封而已。嘗謂請子曰。吾意欲爾貧。以爲異勝於富。故生平田產無所增加。時陶氏羣從後先爲方伯者三人。皆以清白顯人。亦以此多之。

應天府通判呂伯時言

呂言字伯時。文懿公原之孫。太常卿憲之子也。以蔭補太學生。數試不售。喟然歎曰。吾先聞人之爵也。吾志德紆謀。其後太常公實直亮。衆無替厥休。夫人所自致。

者奚一節也。也。雖一命是以鬼志矣。逆奔不就。誠歸歸
十餘年。而當正德甲戌。始入遷。誠東部。長太平府。通集
太平近江。商賈往來。釋故威有稅。言至。則今日夫商賈
國有恒稅。郡今又稅。是重以困也。其弗稅商賈。益纒纒
來集。而民用遂饒。初。高皇帝起兵鳳陽。壤與太平諸
郡接。詔減諸郡田租之半。然令兵餉馬實。就問其駒。歲
歲上之。民無所苦。其後政敝。諸郡民日貧。餉馬馬奔死
。率購他郡駒。閱之。官官索賂。弗得。則曰非良駒也。斥弗
遣。必路乃可。而京師遠數千里。復以其駒。馳就之。比至。

則困敗不任用，乃計其費大幸三致一耳。以故太平鼠
竄，匿不願飼馬言職專馬，乃宵旦經畫行邑勅勞如故
事，每一令出，民必言新刑令也。便於是竄匿者稍稍歸
言，又嘗有馬政疏矣。其略曰：制不可更法，不可泥。今江
南駒少，北地多，且良請使民歲輸銀上之，太僕太僕就
京師購良馬，不因敗而費省十九。迄今官民兩利，無何
以喪繼母歸，三年而改應天府通判。適江南大飢，流民
就食應天者數十萬，而又疫甚，死者遍野。嘗受節賑濟
親給食飲不少，避流民存活者十三，而言以遇葬致疾。

遂乞身歸。歸一年而卒。年五十有八。官歷兩政。幾八年。妻子弗以隨。惟一童。年僅十餘耳。年居治政。常日晏不暇食。卽食無兼味。數日才一舉肉。弗飽也。吳中丞時巡撫江南。阿比羣吏無敢近。每見言入必肅然起曰。庶幾來。庶幾來。以故僚佐多忌之。而又好議天下事。若漏遠無近功。然卒有大致。乃人曰。通判迂言亦曰。吾迂吾迂。弗較也。其清不絕俗。和不忤物。類如此。

太僕寺丞張有功遜業

張遜業字有功。文忠公孚教之仲子。以文忠蔭官中書。

舍人尋侍文忠疾歸永嘉文忠卒而業年甫十五有表
當路指辭訖文忠家門者業弗爲顧日治喪禮 天子
方幸承天聞文忠訃而悼之贈太師予謚所以優卹祭
葬加備業奉文忠命入朝謝因上所賜文忠璽書數百
通白金印記若而枚 天子歸自楚詔進尚寶丞持節
冊封荆王王始少而賢之享饋加禮業悉謝弗受業固
饒於才其於詩擅宏麗又能縱筆爲行草一時聲稱籍
甚而雅好客客稍以詩酒聞卽致之爲長夜飲相嚴子
世蕃亦好飲內莊忌業而外浮慕之業亦陽交驩而酒

黜不能無語失。又業所善錦衣沈鍊者，上書攻相嚴，嚴
罪下獄。業索餼不廢百方，爲其帥居間而事稍解。嘗流
置上谷，業齋丙舍爲脫裝。世蕃益恚，恨曰：「日飲我也，而
衣食我，仇會考滿當遷爲卿，乃用大察鑄秩兩淮都轉
運判官將發。」上忽下劄相嚴曰：「故張少師子，今何官？」
其人安在相嚴不敢對，而內媿業。因謂其客爲我少留。
張丞吾力能復之。瑣聞業笑不顧曰：「彼豈以我難遷客
哉？」遂發轉運權，益利至夥。先任者不能無乾沒，而業自
矢爲撻益。麟卒坐法不能償，且死。業至傾橐而代之。

積所全活以十數。嘗部輸而道遇寇，問知爲業，遂巡。引
去曰：是應吏安得贏資乎？御史上其事，始入爲光祿寺
署正，遷判順天府。未幾，陞太僕寺丞。是時，相嚴勢愈盛，
吳給事時來坐論其罪，下獄戍業。所以慰存有加。世
愈益素恨曰：是尚衣舍我仇也。方謀逐業，而業以暴
卒。年三十有六。業絕篤，斷絕，而天性孝友，喜著書，圖
其弟中書舍人稍長，能鑒別，卽盡推與之。曰：吾今而後
首有歸也。當分著業故，謬爲不解，而取瘠者，又先其宗
族。政改，定德，善於已，厚饋，業，辨，奏，資，至，歿，而，不，能，比，也。

宋馬所爲詩有鳴玉集使野集隲江集奪於酒不能究
然識者以爲有梁陳開元風

貴州右叅政陳中夫表讓

陳良謨字中夫，興安吉人。生十月而孤，母都氏誓節撫之。年十四，補博士弟子員。時當護月，諸生多踣蹠相評笑。良謨獨默跪不覺蹠傷。今青之日是兒國器也。自以生不識父，視遺像，轉滯履面，事都母，蒸茶敦謹。四十年一日也。及成進士，以母老，卻選歸省。及卒，毀瘠幾殆。既免喪，復廬於墓。五年而後出，始得工部主事。時且有

給事御史選。或曰：蓋少需之。良謨不應起。辭之官。授刑部。復乞南。爲祠部。遷車駕員外郎。爲刑部郎。再改儀部。徙祠部。署者十年。而始得參議湖廣。再遷副臬事。滿考。而始得參政貴州。以道遠多瘴。不飲。傷親。遺慨然。致其仕歸。年僅五十七耳。家食分三之二。御史先後劾薦。亡慮數四。而良謨無尺字。走燕中。竟老弗起。初良謨爲諸生。以治易稱名家。安香膠守。奇其才。而謂歸安武令。當入參談事。且治易也。以一東。身俾良謨贊武令。爲先容。良謨固謝弗肯往。已武令舉參政。而薦良謨。預鄉耆。廖

守始得良謨謝弗往狀不擇至是乃屢曰吾不如陳生
遠甚及居官所至常例悉籍之官歸而垂橐蕭條山田
百畝恒無藿食弗計也有巨商介良謨友人書爲權異
居間者徐出千金爲壽良謨人內竟日不復出蓋湖俗
士大夫以財相高獨見良謨口不敢言財矣十歲解作
詩於書無所不讀所著有夫日山存稿和陶小稿見關
紀訓弦索纂要數十百卷藏於家卒年九十有一

順天府尹查性甫秉齊

子志宏附

查秉彝字性甫海寧人中丞約之從子舉嘉靖戊戌進

士授黃州府推官以能稱召拜禮科給事中時楚世子
弑其父有司未能正法舜嚴其報計日月之訖而律以
春秋不膏藥之義獄遂定轉戶科右給事中尋轉左會
朝覲考察疏陳黜酷吏禁罰贖緩征科等若干條語多
觸時諱竟以忤旨杖闕下謫雲南定遠典史復爲建寧
推官遷刑部主事改吏部累遷至文選郎中盡取諸條
削去其舛復議爲一定吏不得爲姦有干請者溫詞遣
之卒無所撓屈間有誦貴居之如常或教以迎合謝不
能而起遷太常少卿改大理少卿遷太僕卿所至舉其

職遂尹順天蒞事五日以觸暑致疾卒年五十有人疑
疑重簡遠有黃子之度居恒恂恂長者及臨事確有定
守不可以毀譽利害擾之使亂追之使急至於進取之
際澹如也當始舉進士時將疏請展墓或謂宜少遲以
需臺諫之選笑不應及予告還例授黃州推官尤之者
雜至終笑不應葬於爲子爲弟以孝敬稱撫其伯兄之
孤以慈稱自爲諸生以文稱歷官以廉稱然未嘗自表
暴與人處退然若無能者蓋其性然也子志宏領順天
戊午鄉薦清謹有父風父卒於官購儀一切發謝時京

兆得以例請祭葬，不欲爲縣官費，遂得世產以終之。隱於龍山，絕意仕進，拜中丞府參軍，義不受祿。當時以爲吏隱。

刑科都給事中周孟登崑

周崑字孟登，崇德人。少有大志，博綜羣籍，所學輒過僧。方爲諸生時，有權貴人行縣，諸生皆入候，崑鄙之，不揖而出。由是名顯。舉嘉靖癸未進士，令玉山賓旅行李，四方蟬集，晝夜績無已時。崑節其廉餽，示有度。諸所比周納款，盡謝之，而民力用是以蘊。邑民與清，妻有外私，殺

夫以減口，又繫獄不能決，晝夜訊之，忽一羊自外突入，長鳴者三，崑昌言曰：神告我矣。羊鳴三，殺清者三人也。有三人者，色動立鞠之，而服士大夫爲賦靈羊詩，已更進賢以母喪歸，起補新淦，諸所惠民務爲休息愛利如玉山，最聞召拜吏科給事中，未幾遷右，已而權科科都給事中，上書論兵事斤斤可施諸用，而巡視京營諸劾，咸皆斂手避，莫敢犯，當是時都御史劉元清，御史馮鳳行人薛侃，相繼得罪，下廷鞠，禍且不測，崑獨正言申救，得從，未減哀，都督繼勳，隣敵不力戰，崑彈劾之甚厲，聞

者昨舌一時以爲天子廉臣父之竟罷歸歸日戒門
自絕師士大夫遣請雖繼不一見所居卽先世敝廬或
欲廣之者謝不受而讀書自樂終不一問家人生產獨
事父兄孝友並至植之本性不言而質行臺使者先後
交薦於朝未究於用而卒年五十有人

西州布政司左參議韋希尹商臣

父子厚附

韋商臣字希尹長興人父子厚以進士官黃州郡丞積
修豎弟有古循吏風奉之日貧無以爲飲郡守何顯高
其傳爲營礦產云商臣其仲子也生甫十五年執喪哀

變動無踰禮時前母兄竟臣折令自食值歲大侵糶
不繼而阻糶毒華仲如也顧盜奮勵攻舉子業危危不
少休不數年學成遂領立德與午鄉薦登嘉靖癸未進
士第授大理寺右評事會官事滿臣多繫詔獄下大理
獄奏商臣自念白國是固非小臣所敢知若詳刑則吾
職也慙慙苟祿其將謂何於是上疏抗言剴切忤旨
常州靖江丞盡心民事民咸父母之量移德安府推官
發遣有神明禱澤河南按察司僉事分司汝上條章
飭風裁潔然河南諸權貴類出錢質民田土及期不

債則遂占業恒收其入而貧民代輸租庸率多遺措商
臣下令嚴禁若子母相當者輒勒還之以故諸權貴銜
次骨騰蜚詢於朝竟以考察論罷時已轉四川左叅議
矣衆論譁不平兩臺會疏論採而商臣一不爲意歸而
明農課子與郡中諸老結觀山之社倡調爲樂家素貧
乏又居官不私一介既其視籍無可以爲生乃督率家
人晝夜拮据僅以糊其口而服食菲敝有寒士所不能
堪者當時以此胡威父子

江西右叅政陶長卿大年

子九光附

陶大年字長卿會稽人生而穎異十六爲諸生二十八
舉於鄉明年辛丑射策登進士第時夏文愷當國文愷
父與莊敏爲同年又習年有聲禮闈也欲羅致之會選
庶吉士以爲一修刺造門者秘書郎可立得令其門下
所善客道指年固謝弗往客訝然去年仰天大笑曰男
子生而墮地賦予以定彼安能陶鑄我且既藉名而奏
太常何官不可爲何必秘書郎吾終不能仰人鼻息
遇令自是絕足不至文愷門文愷深憾之再踰年始授
南京兵部主事遷駕部郎執法不撓惟利是視而孤行

其意惟貴者無所關其說竟以正直不容於時出守吉安吉安江右劇郡號難治年以蕪靜鎮之大得民和然於法未嘗有所縱舍巨盜劉某主與援暴里中前守莫敢誰何年至則嚴督賊曹掾竟捕得之復窮治主者名主者爲某子甲巨室也或謂年是百足蟲扶者衆矣年不聽竟置重典郡中裸然遂用治郡異等遷山東副使視海上師禽大猾施仁解其黨與事聞陞俸一級會島夷犯閩督撫請增憲臣一人巡視海道部議以年往比至閩寇已薄福寧城督府與年約得盡地而守年請當

福寧時福寧在重圍中，一日夜馳至其地，爲壁畫戰守具，相持累月，諜知有備，去圍連江，連江邑小，城庳，幾陷者數矣，年勅所部兵大破之，斬首至七十餘級，生得倭酋六人，賊勢大阻，已而督府易年守漳泉，自以其兵駐福興，福興遂不守，非年所轄也。督府旣欲委罪年，自解脫，遂沒年前後功，不敘，直以福興失守爲年罪，疏聞，奪官一級，爲四川叅議，分守川南道。是時潮寇張璉者，倡亂，勢張甚，四省合兵會討，年督狼土兵數十萬，先諸道至，不期月，璉授首，捷聞，有金綺之賜，晉江西右叅政，協

平三巢諸酋以督餉功賜金綺如前居無何以內艱歸時朝廷以災變考察方面官年故所論主盜某子甲業以脫罪而其子且貴爲京朝官欲甘心年諸勢家爲年所抑不得逞者比而傾年相率爲飛語聞遂落職報至年曰吾不能虧法以貸其父宜其子之警予也是時封公尚善飯而子允光已舉於鄉人有惜年解官者年曰古人一日養不以三公易吾視解叅知綬直敵屣耳且修業而息之是在吾子遂一意修甘旨佐封公惟絕口不問戶外事年端方正直慎取子寡言笑自幼至老恒

處於不爭之地。然人亦不敢干以私。所著有讀史口抄、竹屏偶錄、見聞瑣錄、宦轍私記、諸書藏於家。

尚寶司卿陳石卿鯨

子登附

陳鯨字石卿，慈谿人。登嘉靖丙戌進士第，授湖廣澧陽縣知縣。治稱神明，秩滿當遷，士民具疏借寇，復任三載。擢吏部考功司主事，轉文選。晉稽勲郎中，轉驗封。周歷四司，殫心厥職。題本堂稿，積之成帙，讀者稱其曲盡事情。通達國體，時永嘉執政，百度肅清，訐謨大議，多與鯨商度。呀否欲轉春坊論德，引以爲助。鯨力辭之。永嘉益

重焉。永嘉去桂洲代之數對人稱鯨才。擬太用忌者側目。而鯨益自遠。桂洲方以爲訝。忌者乘是間之。桂洲遂不喜。欲外補鯨。鯨聞之喜曰。吾母老矣。得外任以就養。相公之賜。孰大焉。遂授南京尚寶司卿。時大臣惜其才者。授之甚力。鯨一不取。霍渭厓韜時時語人曰。陳石卿道以正行事。以商濟經世才也。奈何授之散地。鯨如不聞也者。竟拂衣歸。居鄉二十餘年。未嘗以竿牘及有司。諸有司每折節下之。子四皆慤。慨尚義。有父風。仲子管。歷官兩淮。運道司判。登獎正法。一清如水。商人稱爲陳。

天水解官歸，惟篋書數卷而已。鮪不覺色喜，曰：有兒如是，吾無憂後世矣。未幾卒，年七十有六。

廣平府知府翁輔卿相

翁相字輔卿，錢塘人。嘉靖戊戌成進士，授工部虞衡司主事，以親老乞南，改南京刑部郎中，遂迎養二尊人，出則省獄囚，治文書，入則偃僕問膳視寢，恂恂如也。諸郎輩聞之，私擬相近萬石君家，少長亦不言而化。未幾，出守廣平，廣平屬畿，以內股肱郡，按故事，畿內諸郡無藩臬監司之轄，二千石出入，得陳兵械，羽葆鼓吹，導騎士儀。

術甚尊寵、縣厨稍稍不給、相獨屏去、數單車行縣、所刻已務省約多類此、郡故多盜、白晝劫刑獄、殺略吏民甚橫、相捕得其尤桀驁者、置之法、餘悉縱舍、盜旋亦解散、河北諸郡飢、相不及以徽開、開倉賑濟、全活甚衆、由是諸部使者、交上其賢、稱相治、行爲河朔最、且夕且報遷、而相已移疾歸矣、相爲人耿介、直亮少與許右使應元友善、以忠節相期許、已俱嶄然樹立、鄉邦稱賢士夫人、謂翁許善交、庶幾古切劘之義云、相居鄉貞素、屢食不求華美、杜門養高、義不入公府、士人議不識、無不歎其

爲長者歸安茅坤表其墓曰公之守郎署似直寒侯守
二千石似汲淮揚孝父母友兄弟寡賓客不務聲名似
漢獨行此皆公之較然章章者古所稱質行君子是也
當時以爲實錄

翰林院侍讀學士諸大綬

諸大綬字

山陰人父宗輔母陳氏叔父宗教無子

以綬爲後嘉靖癸卯舉於鄉四上春官輒不第歸歸則
杜門茹酒今古益以淹貫其自律若處子未嘗逐隊登
公庭有所託丙辰舉會試第二廷試第一人傳臚日越

臥龍山鳴聲聞數里授翰林院修撰已未克會試同考
試官額天自矢名士多入彀中舊制凡爲人後者封不
及本生綬痛之是夏秩滿乃日夜草奏祈臆封葬甚懇
切肅皇帝嘉其孝特允之於是在廷諸臣凡若此者
舉相慶以爲此殊典自諸太史始嗣後綬爲學士爲侍
郎兩值覃恩皆得並及所生如綬官未幾乞假歸生母
陳淑人卒於途哀毀執喪一如喪父時服除補原官前
所稱舊制爲人後者不得兼封本生亦未有兼服本生
者綬領服陳母喪衰經瓠水者三年踰假期且兩闕歲

而後出、當事者哀其情、爲疏於朝、凡後於人者、皆得屢其本生、著爲令、在廷諸臣、凡若此者、又舉相慶、以爲此殊典、自諸太史始、乙丑會試、再克同考試官、其所天一、如已、未、無何、世宗崩、莊皇帝卽位、克纂修實錄總裁、陞左春坊、左諭德、兼侍讀、克經筵日講官、凡五歷寒暑、每進講、必先一夕齋戒、積精凝思、期以至誠、悟主上、而丰姿修偉、步止雍肅、音吐宏暢、莊皇帝每竦意聽之、所著經史講意、凡涉理亂幾微、必剴切詳盡、言人所不敢言、未幾、莊皇帝優上賓、綬自以始終

莊皇帝世無日不在侍從沐寵遇殊他班每一哭臨至失聲病大作莊皇帝尋卽幽宮綬又扶疾徒跣行二十餘里哭送於郊自是病益甚不可起涉秋迨季冬凡四上始得請歸不數月竟卒

鶴慶府知府沈子卿南金

沈南金字子卿錢塘人嘉靖癸未進士授南京大理寺評事歷副正擢廣東廉州府知府處官以誠卽竊盜猶嚴情時有縱舍調江西贛州贛爲江右巨鎮宿重兵民疲供餽南金身先節儉以佐民急杜請託忤時貴竟坐

是遠徙雲南鶴慶府。稜疾歸。南金爲人亢直。簡素性。方不能容人過。卽尊貴者。嘗面折之。不少假。士大夫家。若有司。率具輿。隸以從。南金却而徒行。然行亦不入公府也。處家約素。食粗衣布。破則綴之。遇子弟。嗚嗚。至奉親。則愉色婉容。若兩人。然任性獨往。堅持孤稜。所親戚。視之曰。舉世混俗。乃公獨負爲矯矯哉。南金不應。年益老。操執益厲。卒年七十有九。

贛縣訓導龔希文象

弟驥附

龔象字希文。義烏人。幼通春秋奧旨。開門授徒。與弟驥

以孝友聞。由貢授。顛縣訓導。而同邑虞守。愚爲巡撫。時有監局首領。以失軍器干辟者。晚象居間。持百金以謝。象曰。我家自忠愍以來。世守清白。肯受若金。以污吾祖乎。竟揮之。蕙聲振於遠近。已而告老。囊篋蕭然。無以資衣食處之。泊如也。足跡不入公門。惟非罪罹法者。象憐之。間一白其枉。當事者素重象。無不立釋其罪。亦不受謝。如在顛時。以高壽卒於家。

貴州按察使劉元白炳

子世挺世教附

劉炳字元白。禮部郎木之子。木養於錢。從其姓。未及錢。

至外復爲劉其母鄭端簡曉之婢也八歲遭父喪哀而能禮端簡嘉其不凡十九爲諸生二十一舉於鄉二十八成進士除知江西金谿縣時分宜秉國諸郡縣吏歲時存問其家其監奴所過具賓主禮薦賄恐後外若罔聞也者比入計於分宜父子又無私覲以此雖考最稱治行第一而僅擢南虞衡主事外益精心吏治出督真州開持心如水而舟航爭驟於其途擢車駕員外郎改武庫在南六年僅擢撫州府知府以去時閩廣大盜林朝巖等突犯郡界我師敗績副使汪一中死之外下車

卽弔死問孤除苛政汰冗役簡兵保穀又築崇仁樂安
宜黃三城修千金隄民食其利寇至斬俘中律功上詔
賜金幣郡人建大功祠生祀之以功進按察司副使治
兵福州閩數中倭山寇緣閩鈔暴民困不帖席煥以計
芟薙略盡功最擢廣東右叅政嶺西大盜魯一本窟穴
羅旁四出行劫煥佐英翦其羽翼一本卒成禽晉貴州
按察使建議改程番爲貴陽府設新貴縣以彈壓水西
諸酋而諸司體勢益尊擢江西右布政使署篆越月清
積案數千事會有以私憾爲詆謫者當事議左遷煥聞

之卽日行。主藏史白羨金八千。應治裝。麾不受。籍而胎。之後人。丙子起用。除湖廣右叅議。分守上荆南道。則江陵乘國矣。父里居大吏。趨承載路。煇復若罔聞也。者。奪擢貴州按察使。貴之民夷。故服慕。煇聞其來。欣欣喜。色相告也。先是安酋亨殺其從父信。信子知仇之。相格鬪不休。中丞某邀功。議用兵。煇言夷狄不可以中國之治治也。兄弟相殺。有戎索在。遣一文吏往。索有罪者。以贖贖而已。中丞不聽。卒有孕泥之敗。比煇至。夷卽詣吏。就訊而兩家之難解。明年直指知江陵銜煇。將誣劾。遂引

年致仕時年方五十有六於禮取服官時也伯子世修
舉進士爲行人煥曰吾世受國恩未效銖兩之報幸有
子可代矣竟拂袖歸煥早喪父痛不逮養事母聚百福
以承其惟母卒毀幾滅性母嘗爲製一衾歷數紀至屬
纊時敵不忍弃也仕宦三十年無尺書通朝貴還山亦
幾三十年無尺書通有司閭門獨處雖遇存者謝不見
生平手不執珠玉口不言什一之方粵閩多奇貨嘉無
一焉室中圖書滿度竹床練帳香爐茗椀而已卒之具
遺金財半鎰年八十有三初世誕之以進士就館試也

嘗事者擬居首選、江陵聞其才欲羅致之以平宿憾、便
人諷意、世誕堅不往、竟爲所尼、置副卷授行人、世誕欣
然就職、思以清操振父風、凡輶軒所過、一切饋遺謝絕、
受以才望、擬選兵垣司諫、忽暮夜有客請簡曰、公能以
四百金爲我壽者、名乃定、不然、易矣、世誕謝曰、盛明之
朝、誰敢干之者、且吾家世清白、孤直無援、吾寧不得兵
垣耳、不可以不義汚吾節、此序出、而名果易久之、乃歸
南比部主事、世誕欣然就道、益以清操自勵、留意爰書
奏所用釋曰、吾以是終父未竟之志、以上報天子

何以思親致疾竟不起得年僅四十有一世極願謝
秩不趨捷徑大節勁氣昭昭在人耳目乃天促其年素
所蓄積未及稍展竟以微疾死訖諱天可問乎其弟世
教高才博學工古文辨以鄉進士謁選得福建閩清縣
知縣亦以壯年卒於官文章政事爲一時矚目所著有
詩文集若干卷行於世

山西按察副使趙宗仁祖元

趙祖元字宗仁世家金華之東陽生而奇誕自負周覽
六籍悉讀百家言尤精經生業每試輒屈其邑第

卽邑諸生亦無不人人心遂曰趙生果才嘉靖辛卯舉於鄉明年成進士而雅志厭薄吏事疏請振鐸一方以所學淑後進士爲國家成就人材以上報天子遂得教授江西之吉安吉安故稱人士淵藪而是時羅太史洪先鄉祭酒守益皆以講學家居祖元幸一郡諸生日就請益無不洒然自奮者居久之遷國子監助教又二年遷刑部主事尋轉員外郎以執法格用事貴臣得伉直聲又二年僅得山西按察司僉事是時適地震河東蒲州境屢歷過半盜賊乘之崛起抄劫晝行祖元乃寤

設方略解散黨與而悉籍其金錢之無主者數十萬官
貯之且用新其城壑境以無事久之遷江西布政司參
議所以治之者一如山西秩滿遷山西按察司兵備副
使未幾以內艱歸先是族弟太史祖鵬女歸平湖陸太
保炳炳以貴倖帥縱騎勢甚張自相嵩以下咸目擊之
故炳死而太史斥遂波及祖元以陸黨罷而論者亦遂
以是著譽之夫嚴陸方貴倖時諸蠅附士一奏其門即
旬日間無不顯數資被顯擢者祖元歷官二十年資遷
例轉僅止一副使尚可謂之黨援乎及歿而諸子肅然

食貧至質，資稱貸以償所遺。子錢祖元之心迹，始暴發於天下云。

山東 兗州 按御史 葉叔明 經

葉經，字叔明，上虞人。嘉靖壬辰進士，授福州府推官。父憂服闋，再補常州。決幽滯，絕請託，風裁凜凜，召拜御史。時分宜爲禮部尚書，受諸藩賄，濫與封爵，經抗疏劾之。下撫按勘其事，分宜切齒，已而出按山東。東平有商賈子橫州里，多不法，立捕案抵罪，遠近肅然。是年鄉試，經職監廳，發策以比房內侵，禦應失當，爵賞冗濫，在東四

出財竭民困爲言，錄旣成，同事者請刪改，且怵以危禍，經不聽。及錄上，果以語含說訕，下禮部議，分宜因摘錄中有云：繼體之君，德非至聖，作聰明以亂舊章，好自用而不能任人，皆涉毀謗，貼註以聞。械繫考治，擬以大肆說謫，無忠敬心，詔午門外杖八十，發原籍爲民，遂卒於道。同事者十三人，並下獄。譴謫有差，先是御史楊爵以封事護罪，下錦衣獄，同輩遠引避禍，經獨通問，調護不絕。及經繫獄，爵使人規之，經兀坐不少動。卒年三十九，爵爲著傳於獄中。隆慶改元，詔復原官，贈光祿寺少卿。

官其子一人。

雲南按察司副使姚彥賢良弼

姚良弼字彥賢錢塘人父鉞隱德不仕以孝義稱江文
昭公銘其墓以爲無媿古人如蔡中郎之銘郭有道也
良弼安貧力學舉嘉靖乙未進士釋褐南刑部主事歷
知岳州府有蕪幹聲監司邏土酋索欲寄府藏弼不許
監司怒之因誣抵謫河南運同尋轉知惠州嶺海險阻
盜不時起行旅結隊伍挾弓矢而後敢行民間不復有
儲蓄意盜時時破其室輒攘斂以去弼奏記當事者請

募民兵圍保伍每隨列構建樓懸鼓其上令之曰每盜發某處輒登樓擊鼓餘隨聞鼓各鳴鼓應之然後陳兵守隘盜至卽禽者賞縱之者與盜同罪無何而盜解散民得安枕已擢雲南按察司副使備兵曲靖東川酋作亂弼出奇平之論功當峻擢而柄相子索賂不得遂罷其官歸弼性廉介坦易閉戶讀書不問生產事異母兄甚恭撫其子如己子共焚四十年無間言及歿幾無以爲殮至今縉紳士大夫間高其清

萊州府知府錢大行同文

錢同文字大行嘉興人生而文弱好讀書矯矯獨立厲志聖賢之學嘉靖癸丑登進士第授祁門縣知縣未幾自持省供億行愛利執法嚴明人無敢于以私者歷官萊州府知府清操益勵後移疾歸幾於釜魚塵甑人以比范萊蕪先是同文弱冠領鄉薦已聘窶人女有議易婚者同文峻拒之竟娶窶人女相敬如賓然卒以無嗣終至今人敬而哀之

廣西右布政使許子春應元

許應元字子春錢塘人嘉靖壬辰進士授泰安州知州

貞白自持惠養所部不疲民以媚上行部者以供饋不
豐管其僚吏輒投劾欲自免歸部使者固留之乃止改
秦州知州治秦一如秦安稍遷都官員外郎歷郎中出
知夔州府。庶靖平恕輯和民夷興學勸士夜夜如不及
暇。別求三閭大夫杜工部遺跡而祠祀之。吊古嘯咏篇
什流播以儒飭史彬如也。而夔之治遂爲一道。最擢四
川按察司副使。尋調廣西攝兵府。江誅三巨獍。巨獍者
莫氏兄弟。以雄勇名兩粵間。徃徃大嘯破城殺吏討之。
滿乃去。前兵備以獲渠報。至是罪人始得督撫欽上其

功應元念如是則前兵備嘗得罪乃力沮之不復上人
皆多其長者更數遷始至廣西右布政使所在有政績
士民懷之及入覲卒於家應元自幼穎敏日誦數千言
篤嗜古典游心藝林爲文宗西京班馬而下不足道初
登第時試庶吉士文已入彀執政者知其名欲一見應
元曰吾始仕也而當偃僂陽貴之門冒謁于進哉如生
平何竟坐是不得克館職然應制諸作已籍籍人口矣
天性孝友尚承親志振人困急江賴貲無吝心其遺宗
黨尤厚溫恭退讓恂恂不伐篤正君子也所著有水部

稿附堂稿所撰次有春秋內傳國語史記抄漢語若干
卷行於世

汝寧府知府賈名儒

賈名儒嘉興人嘉靖丙戌進士官刑部主事抗節持法
不爲權貴屈撓有考功吏受賂事達名儒訊卽重比考
功郎銜之竟以是出守姚江再補汝寧會世廟駕謁

顯陵道出南陽一時郡邑吏胥重斂民錢佐供億費不
肖者因乾沒其間名儒獨揭榜示民給還之汝民感舉
手頌德蕪聲振於一時未幾遂乞休歸優游林下者四

十年食粗衣布如一日未常以一介干人人以清介稱
四川按察司副使孫右文校

孫校字右文平湖人嘉靖壬辰進士初主事營繕司轉
武選郎考彝章謝請謁以行已志都閩將校挾貲憑社
者悉繩以法無不巨影以遺尋以偽黃註誤累請提舉
廣東市舶轉同知衡州府賑荒息訟出赤子於湯火而
登之春臺無不戴爲父母晉南京刑部郎風裁益勵衆
右爲之歛跡擢四川按察司副使出淹繫撫豪首典農
講武平徭簡賦吏漢輯寧取則問俗禮賢橫經訓士上

風爲之一變以病累亟乞休歸足跡不入公府衣粗食
糲處之裕如至於兩喪執禮孺慕終身舊居故業悉讓
弟昆而稅屋不蔽風雨人尤以爲難

工部員外郎呂宗文穆

伯子澤祖附

呂穆字宗文文懿公原之曾孫也嘉靖癸丑進士初守
邳丁外艱補壽州治最擢工部員外郎督建三殿主計
琉璃廠省費萬緡大工成賜金幣陞俸一級因忤嚴分
宜尋致仕隱居白苧鄉潛心理學多發先儒所未發遠
方多師承之拾其餘唾取青紫去者甚衆穆平生篤於

孝友而義之所在奮身必爲郡守黃懋公墓爲豪右所
侵力爲恢復以存其祀性尤嗜書老而好學如袁伯業
至於家人生業未嘗口言阿堵及卒囊無餘資伯子隲
祖倅四川彭山彭民與誦尋以疾歸囊携眉州志數帙
世守清白羽儀一時

太僕寺少卿周允直如砥

周如砥字允直餘姚人嘉靖己丑進士初知瀏陽改發
源時汪太宰鏡方柄銓家奴橫甚如砥一裁以法不少
貸汪銜之移判武昌汪罷去始遷工部營繕司主事

郎中時 九廟四郊 慈慶 慈寧諸大工繼起川流
巨材銜尾至故事至則挽入臺基山西二廠聽內豎取
裁繕司唯唯而已如砥密召工師索其總冊梁若干柱
若干長若干圓若干椽楠椽檻之類畢具乃令挽木者
悉以木置長安東西街召諸匠如式裁用然後進兩廠
而所餘關頭心送器皿廠製造御器內豎一無所得時
內外提督如太監高忠武定戾郭勛並貴寵用事雖屢
肆叱辱如砥第含忍偵卒日夜伺其間竟無所得後以
積資擢太僕寺少卿念親老未嘗携家憂思勞苦竟得

疾請告歸歲餘卒家無以爲飲其清操益著云

湖廣按察司副使徐鳴川鶴

係繼美附

徐鶴字鳴川海鹽人登嘉靖丁未進士第榜次得爲京朝官鶴恬於進取請得教授常州以身爲率雖斤馳之士無不就其羈馭一日千里者往往而是遷南京國子監助教六館士執經問業者鶴必爲剖析疑義各解其頤而後已轉工部都水司主事監稅儀真通商便民所立規條至今爲令轉刑部員外郎歷郎中有巨奄戍守孝陵者毀封樹屬鶴勘治行千金所緩二日以需授者

鷓不爲動卽日具獄詞當大辟以是夫當路意出守警
慶肇慶古端州也土沃民樵而征歛無法吏復恣爲漁
獵民不堪命遂起弄戈矛爲盜端當事者重按之而橫
征如故民之不靖亦如故鷓乃首上一條鞭法民始僅
然稱便而向之弄戈矛者胥轉而緣南畝已又郡設門
廝踐更顧出身應役者復歸其直於官以爲常鷓曰奈
何後其力而攘之食乃召役者悉還之郡界多糧雖刀
耕火種其食自足而實需魚鹽於民往往私貿易而官
多屬禁之使不通於是剝舟毒弩伏藏莽棘伺便抄掠

河。漢。以。爲。患。鷄。下。令。行。互。市。法。許。以。所。有。易。所。無。糧。入。
帖。息。不。敢。騷。境。土。進。湖。廣。按。察。司。副。使。備。兵。永。衡。柳。桂。
壤。接。東。粵。山。峒。聯。絡。林。菁。茂。密。盜。窟。穴。流。劫。近。地。鷄。簡。
練。卒。士。嚴。設。隄。防。兵。威。震。肅。民。以。衽。席。而。忌。者。中。以。考。
功。遂。拂。衣。歸。鷄。質。性。簡。直。內。行。醇。篤。於。書。無。所。不。讀。縱。
筆。百。千。言。橫。放。奔。逸。而。不。必。成。一。家。言。爲。政。奉。法。循。理。
疾。政。爲。民。不。必。炫。飾。邀。取。時。譽。行。已。恂。恂。無。所。異。同。於。
人。而。遇。事。可。否。有。踴。躍。獨。行。之。介。交。知。多。在。津。要。者。力。
可。以。資。推。挽。絕。不。通。一。字。卒。以。其。故。見。青。不。悔。也。身。致。

集却賊茗陽賊寇隣邑。遶平陽瑞安傳道。溢令千存道。合平瑞兵禽賊水軍千戶任惟淵。朱仲欽戍青田賊至。仲欽逆戰。惟淵走。仲欽以無援故敗。溢卽斬惟淵。以狗。温州平請朝京師。上曰。卿在邊良苦。待平吳卽召卿。浙西諸郡平乃召溢。且命分兵征閩。以存道守處州。溢入見。上諭羣臣曰。溢雖儒臣。父子宜力一方。寇盜盡平。功不在諸將。後因問溢征閩諸將對曰。湯和由海道進。胡廷瑞自江西入。此必勝矣。然閩中尤服李文忠。威信若令文忠率師從浦城取建寧。則萬全計也。上立

詔文忠出師如濫言溫賊既降乃投濫元帥還守之先是我師征溫失利輒叛去溫既平又請降濫曰叛而復降納之無法奏斬賊洪武元年拜御史中丞尋兼太子贊善大夫濫務存大體不屑細故或以爲言濫曰憲臺百司儀表居其職者當先養人廉耻使避不犯豈直搏擊爲哉上祀社稷大風雨還坐外朝大怒議禮者得罪且不測濫曰風雨連朝無足爲恠卽禮官失議皇

上誠敬自足昭格願賜寬霽事遂已存道部鄉兵萬五千從李將軍平閩後復詔存道兵從海道北征濫曰鄉

兵本農人始令征闖許事平歸農今復調北征莫信不
可。上不應。濫曰兵已入闖者俾還州里昔嘗叛逆者
宜籍爲軍使北征自贖則一舉而恩威著矣。上曰孰
謂儒者迂先生強爲朕一行。濫至處乞終母喪不許遣
存厚還治喪。濫集鄉兵令存道部出永嘉浮海北行三
上章乞終喪得允。存道出崑山走京師見。上授處州
衛指揮副使。戊上黨尋移平陽指揮同知。濫喪母哀毀
疾作二年卒。濫性孝友誠確宏偉外若和緩至臨大事
議論爭是非不避權勢必折衷於理。存道征陽和遇虜

於斷頭山力戰死。

南昌府知府葉景淵琛

葉琛字景淵處州麗水人博學多才少與劉基章溢齊名元季兵亂從處州守石抹宜孫討寇有功授行軍元帥太祖聞其賢遣使以幣聘之與劉基章溢宋濂三人同至金陵進見上喜賜對皆呼先生而不名四人者出上目送久之顧問左司郎中陶安曰四人者何如安對曰臣謀略不及劉基學問不及宋濂治民之才不及章溢葉琛皆王佐才也而殿下且以禮爲羅而

甲希執政指論逮胡宗憲鄧守微伺他訛法狀以屬績
溪令蕭敬。晉曰。司馬有功。東廟奈何。欲文致之。寧以官
去。不能也。胡竟得末減。已遷南京刑部主事。尋乞終。暮
居家。絕迹公府。以澹泊終其身。

刑部尚書孫斯立植

孫植字斯立。璽之子。嘉靖乙未進士。授南京刑部主事。
疏乞終養。尋居父喪哀毀。鬻產治葬。服闋補兵部。改光
祿寺丞。歷少卿。時殿分宜柄政。希進者多附之。植獨守
正。不阿。以故九年不調。故事。副官祝釐。取辦光祿。費甚

不經植爲籌正。歲省大官金銀數千萬。一時巨璫皆以
錄人稱之。擢都察院右都御史。總督河道。尋晉刑部右
侍郎。比虜內犯。勅守樂文門。虜退。擢南京都察院副都
御史。掌院事。拜刑部尚書。時魏國事起。下南法司。植議
邦瑞居長宜嗣。魏國潮愛宜罰。鄭氏詭封宜。追奪蘇上
與論。翕然未幾。高靳鄭再相。以閣臣秉銓。盛欲修隙於
植。言者希風。言理劾奪職。植歸。十七年。目杜門屏處。起
然。釐利之外。甯道交章薦起。再覽乞休致仕。卒之日。家
無餘貲。僅足糊飲。植爲人外和內方。鮮嗜寡欲。平居溫

澁揮抑若不勝衣而臨大利害輒挺然以身當之卽刀
鋸鼎鑊不爲動事定絕口不言而人亦弗之知也大都
植之學問篤實踐履不規屋漏嘗曰惕然自警於幽獨
得肆之地而毅然直行於危疑犯難之時小心謹畏於
人所不知之處而大力負荷於衆目昭彰之日蓋其平
生所自誓者如此賜謚簡肅朝論快之

廣西按察副使趙子衡伊

子升秩附

趙伊字子衡平湖人弱冠舉進士初授兵部職方司主
事轉武選時中山王後徐錦衣以傳奉得官法不得變

附相嵩出得。上旨伊爭不可遂拂衣還久之起車轡
郎置郵關符查禁甚嚴要路嫉之遂陞廣西按察司副
使竟移疾歸伊自登第以既歷官凡二十餘年家食者
居半其高節如此子邦秩以進士令海門清白自持不
媿乃父卒於官民立專祠祀之有遺愛錄

按察副使陳彥林楡

陳樹字彥材上虞人少穎敏日記數千言遠博綜羣籍
稱鉅儒嘉靖丙戌登進士第授湖廣長沙府推官歷充
理寺正歲獄多所平反尋出知寶慶府慨然慕古之德

良。賑災。弭盜。興學。造士。三年而惠大洽。遷按察司副使。備兵蘄。松。以充直。不容。遂罷歸。歸而杜門讀書。約如寒士。其蘆靖簡朴之風。足以勵頽俗云。

山西布政司參議徐仲孚炳

徐炳字仲孚。海寧人。嘉靖癸丑進士。授南京刑部主事。進郎中。陟河南兵備僉事。以憂去。改山東僉事。擢湖廣布政司參議。轉河南按察司副使。備兵大名。減供餉。汰冗費。裁省民兵溢額。以休養魏人。魏人咸德之。屬邊戍缺。伍部使者出。清勾諸郡邑。令甚峻。炳曰。勾軍補尺籍。

無益戎備悉破民家又發閭左護之行兼亦破里乃入
言部使者不便狀一道賴以全活轉山西布政司參政
無何卒炳爲人孝篤於慕親少以父命嗣其伯氏乃獨
加意所生庚戌中會試以近例仕籍不得書本生父遂
罷廷對歸友愛諸弟教子以義方與人交坦夷爽訓不
爲町畦自奉澹泊在大名值米貴遂舉家食黍豆室人
有噴者炳歎曰民多菜色吾何忍獨飽且古之牧民者
年飢受芋以准俸吾何爲獨不然百姓聞者爲之泣下
數行

吏部尚書嚴直甫清

嚴潛字直甫其先嘉興人五世祖名子敬者徙居滇潛
遂以滇籍登嘉靖甲辰進士第除富順尹以掾荒課爲
天下最丁母憂服除除都郵其治如故擢尋入爲工
部屯田司主事歷員外郎郎中丁父憂復除兵部車駕
坐忤出知保定府三載課最歷陞易州兵備副使陝西
奉政四川按察使卽其地轉右布政使隆慶改元罷都
察院右僉都御史巡撫貴州尋改四川濟故州吏知其
民所疾苦乃具籍川課之當輸京者議割二十萬金蠲

近改給陝西軍餉罷郡縣卒之團攝成都擾民者其
約束一切以惠利爲本而痛持豪家悍吏以法卒以是
中黃語予告聽訓五年而起督歷門閭不果改貴州元
爲南大理寺卿尋改北歷刑部右侍郎晉尚書尋轉吏
部上之知清自其在刑部能執法不懼權勢始旣柄
用與銓則日夜計故事論官材丞掾以下皆親爲標畧
楊遵彥之熟識黃次公之至精不能絕也申外史聞其
廉儉直牘之間幾無一跡無何疾作馳驛歸卒於家年
六十七有七計聞贈太子太保謚恭肅清性檢厲動於事

其操行嚴於取舍。舜受尤。察禦所居官身。與僮僕食粗衣。敝蕭然也。橐中裝。銚圖書。桑。雀不取。諸人其初拜尚書也。貧不能具服色。束素犀帶。以朝。或指戲之曰。公釋褐時。七品帶。故在耶。清笑曰。不然。夫犀帶不裝。金安知非玉。吾顧恐難為上耳。其清而不刻。無崖岸。暖物之行。有如此。

刑部主事俞一清乾

俞乾字一清。平湖人。嘉靖甲辰進士。授刑曹郎。秉公執法。不少阿私。嘗有勢豪犯重辟者。夜携千金。挾中貴人。

以請乾正色却之竟致之理時首輔夏言爲嚴嵩所傾
論死西市乾監斬私念自古刑不上大夫未有宰相而
伏歐刀死者必有中旨放還需之不能得言竟死刀下
乾義氣憤激忽仆地良久始甦立具疏乞歸同官憐其
貧賤之悉不受或贈以詩有直道難容宜有去孤忠自
許欲無生之句歸家五月以憤卒

廣東按察使馮晉叔觀

子有翼孫貢附

馮觀字晉叔海寧人家於錢塘六歲悟章句弱冠補府
學生與童漢臣許應文方九敘輩爲文字交時海內帖

之士率入餽，餉以眩耳，食取青紫如椽，蜩不復知有古學。覲乃力持頽靡，與漢臣諸人鑿錯夾持，浸漬機沃，蔚然倡爲敦大傳雅之體。而一時操觚家無不望風興起。甲午大校，覲冠軍，領鄉薦。至甲辰成進士，授兵部職方司主事。時北虜內犯，中外震驚，覲守西直門，正當虜衝，同事胥悻，惛無措。覲獨意氣詳雅，親冒矢石，密爲機謀。晝夜撫循詰察，威令赫然，士氣百倍。虜知有備，遂解。上嘉之，有白金彩幣之賜。轉武選司郎中。無何而母喪，歸枕苫，卧廬，衰墨之容。三年一日，服除，補原官。陞湖廣

按察司副使明斷不私庭無寃獄轉廣東左叅政分守
嶺南出按樂昌等縣符與盜賊遇勢甚披猖同事皆走
間道去覲獨冠服張一蓋危坐厲聲示以大義賊要之
入巢覲因覘其險要居三日賊屢拜求犒覲正色斥之
曰我天王重臣爾輩亦王民也不知有王法乎我飲
水蒞官安得犒賊知不可犯乃輿覲以出駐韶州覲因
知賊虛實遂選勁卒千餘人設奇襲之獲賊首馬應科
等九人從賊百餘送軍門支解以徇覲還省乃自劾曰
守臣不能宣布上德化導民善反爲賊所要不職莫

大於是請自免兩臺以覲職非兵務事出倉卒矧陷賊
不撓卒獲賊首才略具見慰留不報尋陞廣東按察使
忽疽發背卒於官年僅五十有五覲風儀俊朗賦性介
直時趙文華附嚴分宜父子禍福人如反掌其子慎思
貴倨凌人嘗銜無錫某令乃譖於當路欲文致之覲力
稱令賢而止思慎知覲爲令地銜甚日夜思所以申之
未發也或語覲當往趙所謁謝以解覲怡然不以介意
徐曰仕止有命趙氏子其如命何卒不往覲平生於世
好一無所染惟喜積書史殆千百餘卷多所淹貫嘗曰

吾退休時卜湖上一隙地築斗室對古人言時與二三
知己吟嘯其間吾願足矣若朝夕營營爲子孫作馬牛
非吾志也有存稿八卷藏於家子有翼字君卿幼承家
學工古文辭以庠生入南監領應天鄉薦官終上猶縣
知縣以清正稱居家孝友所以卵翼庶弟有相者愛均
六子庭家之內長弟化之雍雍如也民間有閭墻者人
輒尤之曰爾獨不媿大小馮君乎其於六子則日夕計
而誦之率成佳士孟贇鄉進士官梧州司理餘多蜚聲
賢序而貢尤有名以早夭菽林多惜之

兵科給事中許道卿賈之

許賈之字道卿錢塘人狷介孤稜不忘溝壑始舉於鄉十年不上春官攻苦食貧蕭然寒士人咸介之嘉靖乙未成進士授吉水縣知縣時按浙使者吉水人也意有所屬卽欲酬以浙事以微言諷之賈之曰如此則類賢易有市心矣愛養部民煦之若子權貴干請一切謝絕由是吉水治行爲江右冠而士大夫多憚其峭直有嫉之者徵入爲兵科給事中將去官卽出已資葺廨宇繕完器具以待後尹曰吾不忍重勞民也其瘠已厚民若

此在諫垣七日而歿。行篋惟故衣。同年親故代爲殮之。貫之清苦有介節。矢志不爲造請。非其道千金弗視也。死之後。妻子貧乏。幾不能自存。

臨江倅陸子任鰲

陸鰲字子任。平湖人。九歲悟漸頓。一途之旨。人稱爲小象山。嘉靖戊子。領鄉薦。倅臨江。時江盜橫甚。鰲單騎諭降。而當事者欲勦之。鰲爭曰。業降已。而勦之。何以令民。民之所服者信也。令而不信。民始疑矣。殺降不仁。疑民不智。有死而已。不敢奉命。當事者悟。盡釋之。時督儲使

者至。例有金贈。熬釐之。使者快快。直排公闈。囊索蕭然。惟。有。圖。書。數。卷。而。已。使。者。歎。服。而。去。

河南按察司副使沈子進科

沈科字子進嘉善人嘉靖甲辰進士初官行人晉繕部郎庚戌虜薄都下大司空猝不能具車牛科旦夕爲治具飛輓旁集卒賴以濟出知臨江勒恤民隱民尸祝之已治兵贖平劇盜李文標地方勒碑紀其功時宦其地者分宜半籠而致之分宜子聞科才陰令人諷科使附已科正色曰某卽不才奈何以天子憲臣爲相公私

人乎分宜銜之。詭謂銓部曰：願兵使以覲去，以朱某補。朱分宜客也。銓部謬以朱來，及朱來而科實無故也。理願自若，朱亦次且不敢進。司銓者度無可奈何，隨轉科苑馬寺卿。左遷河南按察司副使，有欲爲科謀解於分宜者，科謝之曰：吾奈何遂首鼠耶？卽柄人幸而釋我，更何眉目？俛仰人間乎？卒不聽。分宜愈銜之，嗾當路論去。科天性孝友，生平磊砢多大節，耻一切。韓阿態居官多。庶惠聲，待人輒飲以和，無城府。嗜學能文，熟子長家言。有史抄二十卷，藏於家。

江西左布政使秦鳴和鈞

秦鈞字鳴和，慈谿人。嘉靖庚戌進士，授南京太常寺博士。故事，有事太廟，恒宴集中，貴人與堂，卿並南向坐，而博士東向坐。鈞至，見設席如故，怫然欲去。中貴人曰：「秦先生難我乎？此例也。」鈞曰：「非國典，誰能遵之？自是博士別宴，他所著爲令。」晉南京吏部考功郎，當大計，持議侃侃。冢宰恚曰：「司官何動相左耶？」鈞曰：「某知公道宜爾，不知其他。」考績至燕，所執羔雁，惟稅筭諸要，津月之胡。盧曰：吏部郎何挾之奢耶？鈞對之怡然，然坐是滯留，竟。

十餘年不調。嘗除夕家人覓百錢市薪，不得，以問鉞。笑曰：「旦日突無煙，一歲中清寧，其吉祥孰大於是？卒不炊者數日，鉞方擁鼻爲洛生詠，聲出金石。」已晉山東副臬，治兵青州。青故盜藪，聞鉞清名，諸椎埋作姦者革心，行旅野宿如堂奧。禾歲以內艱歸，齊民巷哭，揮涕如雨。枳車至十舍，不得發。時桓王好賢，雅重鉞，每宴賜，算器食外，不敢以幣交。至是以古硯贖，舜曰：「姑爲鬱林裝耳。」鉞不得已受之。比啟函，則百金籍其下，鉞驚，并硯返之。王規，特爲書謝，過服闋，補湖廣辰沅兵備，適紅崖苗叛。

鋤輕身往撫之。酋衆盡降。所省兵力不訾。絕口不言功。尋忝攻滇藩。所治銀場地饒珍寶。先任者無不滿籬而鋤。獨垂橐歸。右轄陝西。轉江西左。帑藏出納屬郡佐。廉能者更司之。俾署名封識。未嘗一啟。其緘有美額。悉申貯爲經費。不染一塵。時撫臣勅行錢法。民稱不便。而督責頗急。鋤與議不合。遂上疏乞休歸。里居杜門掃軌。片牘不入。公府布衣。瓊食蕭然如寒士。比卒。不能具棺。歛閭里多爲之隕涕者。鋤博極羣書。下筆氣格濳瀚如高江急峽。下澗瀕。不可以舟。數屢凡三十年。所著樹聲實。

於清操尤著。嘗曰：吾清夜自思，所不及孤竹二君子者，不能食西山薇耳。知者以爲不誣。永陵編年史云：秦劬爲左轄，家無百金之產，清修醇德，可方程伯淳云。

貴州按察使郭可忠孝

郭孝字可忠，仁和人。嘉靖己未進士，授南吏部驗封司主事。外艱服闋，補北刑部福建司主事。時海忠介瑞以直諫忤世廟，欲寘極典。大司寇有依違意，孝忿然曰：禍在一時，議在百世。遂署牘以進。曰：海瑞海外迂儒，罔議大體，志急沽名，誤觸忌諱，雖出位之愆，莫道而敢言。

之氣足多。奏可得緩死。無何而分宜獄起。叅論諸罪。多出孝手中。外以爲快。歷員外郎。郎中。出爲湖廣按察司僉事。備兵惠潮。時嶺表盜賊充斥。巨寇曾一本林道乾爲之魁。巨艦乘風出沒波濤間。剽劫無忌。當事者莫敢誰何。孝至大修戰具。而明諭以禍福。道乾遂倒戈降。而曾首獨頑梗不受撫。孝密遣間諜使自相攻。因檄閩廣兵。尅日大舉。孝親執炮鼓立矢石間。士氣百倍。自朝至夕。短兵互接。遂大破之。鹵斬過當。曾首遁去。方密授方略。諸將吏分道禽之。而當事者忌其功。願以郊迎。後時

爲異。各部量移別用。孝遂角巾歸第。絕口不言功。陶然以詩酒自適。若將遺世者。未幾起補河南。轉陝西布政司左叅議。晉江西按察副使。分巡饒南九江等處。襟帶長江。洪濤千里。盜賊剽掠。行旅苦之。孝乃增置戰艦。星布要津。賊發卽受捕。江道遂清。嘗獲礦盜數百人。悉杖而遣之。曰。此貧乏求延旦夕耳。不以功聞也。尋轉福建布政司左叅政。過蒲陽。環視城形。三面夷曠。東南外擁高山。城俯接其下。孝曰。此審實也。往歲城陷。應從此入。遂增闢城圍。內山城中。三月而功畢。郡人士皆舉手加

額曰自今世世可無虞矣。同安獲僉兒。延臺惡其入。權
官舍。欲坐強擬死。孝力爭得從減。因忤臺使意。即日賜
門引疾。適有新命。遂改貴州按察使。致仕歸。孝歷仕中
外。幾三十年。產不及中人。居家不治垣屋。門無閑閤。或
請更新之。孝曰。此吾先人在。耕歸田守此。厥廬與邑中
諸男貴同游。比皆甲第。建雲今幾易。主而故。應無恙
幸矣。夫復何營。已而千擲。擄亂巨室。多被焚劫。獨曰。郭
公清正。不可犯。子孫至今守之。貧不能特。葺幾無以。故
風雨已。方孝之備兵江西也。吏屬火延。及官寺。民若數

百家吏懼甚請死孝笑曰我火延也爾無罪或曰公不
火延也何說而代吏罪乎孝曰我火火律吏火人家一
時稱爲長者

吏部尚書陳登之有年

陳有年字登之餘姚人剛都御史覓宅之季子也以父
廕入胄監舉嘉靖壬子順天鄉試第二壬戌登進士授
刑部主事歷員外郎調吏部文選萬曆改元晉稽勳郎
中調驗封會成國公朱希忠卒其弟希孝授張懋贈王
例爲請而首輔江陵與中人馮保爲奧援勢在必得時

太宰缺，少宰署都事。少宰江陰人，朱氏賜田，多在宜興。素有違，其爲與，授與江陰中貴等。有年，執證，爭之不聽。遂具疏請於上。諫下，竟。王希忠有年，卽日移病。或曰：一事不得卽去，何。經。經。有年曰：不然。卽官與宰輔異。宰輔總百揆，或可。忍。小。以。就。大。有年職在冑封，封外無職矣。今有王封而不得爭，後何異乎？乞休不獲，竟引疾歸里。江陵在位十年，不召。江陵敗，始起，積勲郎中，調考功。又調文選，請託不行。書。問。皆。絕。謁。選。者，擬。應。得。官。如拾芥。擢太常少卿，提督四夷館。晉右僉都御史，巡撫江

西。致。尚。儉。朴。一。意。以。無。事。安。民。會。江。南。兩。浙。大。侵。詔。下。
賑。卹。仍。令。無。過。糴。而。江。西。飢。禁。尤。甚。糴。者。雲。至。重。舟。街。
尾。而。出。春。雨。無。麥。米。價。騰。踊。民。困。不。能。支。而。外。取。者。猶。
不。已。公。私。咸。憂。之。有。年。遂。上。疏。自。劾。并。陳。濟。急。六。事。且。
請。暫。止。外。取。以。免。異。時。之。空。乏。忌。者。遂。以。違。詔。論。罷。歸。
而。家。燬。於。火。乃。市。一。故。樓。以。居。室。家。而。身。寓。羅。岩。寺。中。
未。幾。起。南。京。右。僉。都。御。史。提。督。操。江。遷。協。院。左。副。都。御。
史。尋。擢。刑。部。右。侍。郎。改。兵。部。以。平。虜。功。增。俸。一。級。尋。改。
史。部。左。侍。郎。晉。吏。部。尚。書。自。高。皇。帝。罷。丞。相。以。政。事。

歸六卿。吏部爲六卿首，其任尤重。文皇帝雖設內閣，諸學士，然惟奉謀議而已。故委任蹇忠定，猶在二楊上。至宣皇帝後，三楊位益尊，而繼蹇者資淺，因稍退遜。於是請寄行焉。後王文端于忠肅繼之，職守復正。顧視忠定時，終不逮矣。自茲以還，時有低昂，要不甚遠。至分宜在關久，而吏部之權始失。至江陵而始自爲真相，視吏部如屬也。然江陵素留心人材，腹中富有所品，騰每在司銓者上。往請者欲絀之，良難。故其柄常若獨握。江陵死，職掌漸復舊。至平湖陸端簡爲冢宰，益以強執行。

之餘姚孫公鑑相繼無改其舊而諸司郎皆皎皎爭淬
礪然止可及嘉靖初而已尚不能如弘治以前也而執
政者不達江陵所以能收權之故徒習見近日之事謂
銓司之不能以江陵事已也遂大望有年有年節槩山
立卽江陵不能屈諸公益嚴憚之自是片楮不敢及門
有年持衡如掌選時務別邪正明貪廉更加意崇退讓
以抑奔競時無錫顧憲成爲選郎與有年意合一時人
情莫不懔懔望治居無何以會推閣臣失 上旨有年
杜小周司官俱降雜職有差有年乞罷因請宥司官不

允。是時。閣臣亦上疏申救。終不聽。已而又盡削諸司官籍。有年。益哀。懇稱病篤。疏凡十四上。乃得賜告歸。出都日。行裝止書一篋。衣一箚。冠紳二事。見者莫不歎息。歸仍寓羅岩寺中。讀書自娛。間與故人詩歌相酬答。食指漸繁。則復市一故樓。徙故址上。而前剏軒三楹。居常或在家。或在寺。故冠濟衣不問者。不知爲吏部尚書也。卒年六十有八。檢篋中止銀三兩。幾無以殮。貸於姻戚。乃克襄事。訃聞。詔賜祭二壇。遣有司治祭。贈太子太保。諡恭介。有年爲人。廉直細行。必矜清節。聞於天下。至取人。

明絕不肯貴有一善則力爲稱譽然主在辨真偽尤重
大節寧取有瑕玉砥硃雖瑩白弗眩視也好讀秦漢以
前書刻意古文彈卽小札無不經意者宅兩經火著述
稿多不存今存者有奏議若干卷詩文若干卷

青州府知府李汝致學道

李學道字汝致東陽人其先爲宋都監處耘既下荆南
以功名爲大官徙居烏傷再徙東陽之古堰里父思明
以任俠雄里鬪舉道獨子不欲苦之儒曰守吾故武足
濟也道乃身隱從師受經屬文有聲補博士弟子連舉

嘉靖辛酉壬戌上第釋褐丹陽令三年以治最冠江南
薦剡屢騰且內召而適以父艱歸俸餘財五六金不能
具喪事則開里塾授徒自給服除赴吏部選以未滿考
當再補邑而會有臺諫選楊尚書博風聞道賢謂其屬
曰若卅陽李令者可待滿而後擢耶留拜江西道監察
御史尋按視中城中城狐鼠窟也涓人爭治室以居治
童賤倡索非分利道悉逐去之涓人固已心恨道而會
有內使許義挾刃擲入民家橫掠酒食財物者道捕笞
之禁於獄未竟也諸涓思挾以甘心焉會朝罷出右掖

門羣涓微道而莖搏之。至敗百裂裳不已。道猶叱言曰。若徇黨乃敢凌。天子之執法臣耶。御史大夫以下俱上疏論糾諸涓時。官府洶洶莫適爲勝。輔臣陰與柄內。樞者謀而先發之。逮三首惡。杖之百發。戍邊。餘九人各杖六十。謫佃。孝陵然猶調道郡職。以兩解尚書楊博。疏請留道。仍故御史歸里養病。不許。道嘆曰。我何惜惜。國體耳。乃所遺際。逾於崔發遠矣。遂得廬州之司理。無何擢南車。駕主事。進職方郎中。擢知順德府。未上。而以王母喪。承重歸服除。補山東青州府知府。道既有彊直。

名又精悍練事體青人已內殿之道至取滯獄之積十
餘年者一讞而決悉得其伏情黥吏大猾脅息不敢爲
非然不專爲威拊以恩信懷碑之俗一變易歲之後訟
獄稀簡日垂簾坐嘯而已會 上有大婚選事下郡國
驅馳過剗感疾卒得年僅四十有七道有經濟大略材
器磊砢不凡亟用而亟不盡僅一見之郡邑稱循吏而
已官材者至今猶惜之道性狷介非其義一介不取自
奉澹泊至不能飽妻子而間有所施予領索應之無吝
色也在丹陽時嘗雪一死獄其人夜懷千金以爲報道

教。然曰。吾向者。惟知有克。宜雪耳。不知有若也。若奚爲。而德我。奈何以苞苴而黜。汚清白哉。壑。弊不受。其人泣拜。以去。惜乎不假其年。以竟其才。鄉評以爲恨。其潔廉自克。類如此。

秦州知州沈元明漆

子弘遠附

沈漆字元明。海鹽人家。貧力學。舌耕以養父母。門下士拾其墜者。撮青紫如拾芥。而漆獨屢踏名場。無愠色。益力學。以自勵。至隆慶丁卯。始與賢書。明年成進士。釋褐秦州知州。甫下車。值歲旱。赤地千里。民之飢死者以澤。

重急發廩以賑不足捐俸勸分以益之明年大雨寶應
湖決萊色之民半克魚腹薄呼天而泣曰某奉職無狀
以致上天降劓非身塞決隄何以謝咎乃布衣草屨日
奔走畚鍤間泥濘沒踝不恤也百姓感其誠頓忘飢疲
不旬日而隄成說者以比漢之王尊當是時水旱相仍
流離載道彼荷鋤者且艱於粒食而矜佩之士顧安所
得半菽而啖之然蒸不忍獨飽也節縮釜庾與諸士共
諸生無不奮起每月朔必請學官謁先師進諸士於堂
校其行藝而上下之諸士無不欣然相告曰沈公我師

也。每公暇輒携酒內庭行。阡陌間有勤於樹藝者，躬執酒以勞之。遇病瘵，則撫摩之。如小兒。百姓亦無不欣然。相告曰：沈公我父也。諸豪猾聞之，無不捫心去。曰：不可污我沈公。諸舞文作奸者，亦無不洗心自矢。曰：沈公仁若也，不可欺。欺仁若者，不祥。不暮年而罔圖爲空，幾於卧理矣。頽性清簡，重廉耻而略禮文。計日受俸，不名一錢。諸縉紳以幣交者，不受。亦不報。諸縉紳初疑其矯，久而察之，真清也。時醴使者爲同年生，念蒸清苦，檄權知鹽榷事。常例所入，使者不無有割腴之想。而蒸殊不屑。

屑也。比至懸鉞趾之具於庭，一切以三尺從事。富商乃
贖數千金以例進。恭大怒叱曰：「奈何污我！」卽投檄歸。以
是失使者望，遂誣署其考曰：「催科政拙。」恭聞之笑曰：「吾
非拙於政，拙於貪耳。」竟拂袖歸。未幾調河東、陝西都轉。
鹽運司副使，乞身養親，遂不起。日出其所學以訓諸子。
仲弘遇以鄉進士，官終邳州知州。孟弘遠不屑仕，以君
陳之政施於家人，稱孝友，無間言。先是恭歸貧甚，於諸
生時，確田數畝，無以供饋粥。陋屋一椽，不足蔽風雨。恭
處之晏然。郡邑當事者重其品，時時造請，促膝終日。一

語不及私。或當事者，欲以私微規藩，亦終日相對，不敢言退。未嘗不歎息曰：沈公不言私，猶可及也。使吾輩不敢爲沈公言私，不可及也。其清德爲人所服，有如此。卒年五十有九，誥贈奉直大夫。

太子少詹事黃懋忠洪憲父 錄子承玄附

黃洪憲字懋忠，秀水人。父錄，初官兵部主事，時同里有爲太宰者，覲錄祖塋，以美官錄吃，不動。時人稱其勁。官終貴州憲副，居家以節儉聞。嘗訓諸子曰：不大節者，不大廉；不薄享者，不厚餘。故洪憲幼承家學，立志讀書。

足不窺閫者十餘年。衣冠樸素，不識者不知其爲貴家子也。隆慶丁卯舉鄉試第一。又三年舉南宮第二。授中秘。文章冠天下。萬曆初，江陵柄政，以人望推憲，分校禮闈，欲屬其子憲，不可。江陵廷責之，至聲色俱厲，弗爲動。後江陵敗，人服其有待。恭癸未，入闈校禮經，尋預修會典。國史直起，居注乙酉，主考福建。戊子，主考順天。所拔皆一時之譽。天下誦其文。歷春坊庶子，太子少詹事，侍讀學士，侍日講。會忌者，摘其所舉士文，不中程，遂乞歸。日與故人門生讀書談道。杜門，卻執。又十餘年卒。憲端。

謹醇厚。生平不設城府。至其取予。嚴於一介。初爲編修。時使朝鮮歸。止携圖書數卷。諸牢醴。廷實皆籍記。遺譯者。謝邠之。朝鮮人爲立邠金亭。比於許相公。國國故先。以使事至者也。獨其剛腸疾惡。斷斷不少假借。修邠者必欲以試事中之爲愉快。天下聞而寬之。所著有皇明文獻、朝鮮典志、鑿坡制草、學易詳說、學詩多識、碧山學士稿各若干卷。子承玄。弱冠舉丙戌進士。起家水部。治有勞績。官終福建巡撫。以廉幹稱。

袁項子南元淳

項元淳字子南，襄毅公忠之曾孫。蘄州衛指揮使。子也。生五歲而父鏞卒。宗人有利其世官者，嘗令人挾七首伏床下。母黃心動，搜得之，命以屬吏。元淳跪請曰：「死生命也，且殺一人，一人復至，徒以重怨，不如備耳。」母黃喜曰：「童子而有仁心，吾無慮矣。」乃寄養他所，而以餘貲萬三千金寄郡帑。俟元淳長而授之。無何而郡大飢，母將歸，所寄帑中金爲家人益釜庾之備。元淳歎曰：「吾一家飽，奈何坐視一郡之人飢乎？」乃詣白郡將，郡將固廉吏，大詫曰：「此有司事童子，何爲者？」因歸元淳金。元淳

固讓。遇糴穀以食飢者，所全活無筭。母黃大喜曰：始活一人，而今活千萬人，童子之仁心益廣矣。今而後吾真無慮矣。年十三補邑博弟子，以高等授隸，文譽日蜚。三吳高才生無不歛衽下之，曰：項生射雕手也。先是襄毅以石城功，廕一子世爵錦衣衛千戶，尋以廷劾汪直廢法事，爲所中奪職歸，并徙廕。蘄州衛指揮非，法也。至元津且三世矣。嘉靖初有詔錄勞臣後，自公戾以下，擢排失職者，皆得叙。於是元津伏闕上書曰：先臣忠從，英廟北狩，重趼自拔，薦經驅使，頗著勞績，屬逆虜滿四盤。

據石城殺一伯三指揮全陝震動遂縶六師躬行天討
親冒矢石以時制平 憲廟嘉悅予世官錦衣衛置諸
親臣之列晉大司馬憤巨瑄汪直恣橫首疏發奸麗其
西厥卒爲中傷錮官於外逮臣父鏞二世以不得執鼓
闕廷爲恨乞下所司覈實以彰公論 上覽書即日還
官元津錦衣衛抑一階爲百戶尋轉千戶爲西司房理
刑時分宜子貴重用事意所不可輒屬錦衣中以法元
津陰說其帥陸太保炳曰吾誦法以伸意是代彼受惡
名也究且代彼受禍度能爭善不能爭莫若陰寬吾

法而徐以解其意。太保以爲然。言者多恃以全。而太保亦有聲縉紳間。分宜子故聞元津名。臣後精經術。思借以爲重。使人好語元津。卽少假太保坐。且暮可至也。元津默不應。而外父吳尚書鵬方秉銓。元津念欲引嫌。遂以新安之後歸。錦衣號親臣。奉使者官校多不法。莫敢誰何。元津爲申約束。所至傳舍秋毫不敢犯。議者以爲得體。旣畢事。或勸之行。元津曰。吾官如嚼蠟。無復餘味。且兒輩相次長矣。不可以無教。不教之子。何以亢宗。吾自有所制。不可身自蹈之耳。蓋指分宜子也。居無何。分

宜子果敗富。是時游內士大夫不能自固者。諫有滯足
之患。而元淳獨翛然無累。從容笑曰。吾之一丘一壑。過
人遠矣。遂大發其所藏書。日夕課諸子。不少休。已謂大
見世。芳曰。若任執戟乎。趣爲我入衛。天子語小兒承
芳曰。若其畢我志。則以厚幣走四方。招置諸名士。與承
芳相切磋。而承芳果成。癸未進士官刑曹。里中士大夫
相顧語曰。錦衣公教子之言驗矣。項宗其益亢乎。然元
淳不數數也。居恒雅好賓客。座上常滿。中外親戚待之
舉火者數十家。計一歲所入。隨手散施。略盡。坐是產日

落。煮。中。日。益。如。洗。而。元。津。行。意。自。若。或。無。以。應。則。舉。首。仰。視。而。不。言。諸。子。知。其。意。密。共。營。辦。始。津。津。色。喜。曰。兒。輩。知。吾。心。乎。其。天。性。好。施。如。此。生。平。無。他。嗜。每。笑。人。好。丹。鼎。及。佞。佛。求。福。者。惟。是。坦。衷。直。腸。絕。不。以。機。械。措。其。方。寸。故。神。明。至。老。不。衰。素。彊。無。疾。忽。絕。粒。二。十。餘。日。止。噉。蔗。漿。一。兩。口。遂。脩。然。而。逝。若。委。蛻。人。言。元。津。不。求。仙。而。得。仙。之。冲。虛。不。信。佛。而。得。佛。之。解。脫。云。卒。年。九。十。有。

通政司叅議朱洪虞廷益

朱廷益字洪虞嘉善之武塘人隆慶庚午舉於鄉萬曆
丁丑登進士第授漳浦縣知縣下車問民疾苦計絕饋
遺歲不登捐俸糴粟徒跣郊垆手調粥糜以食饑者全
活無筭亡何以救荒論列謫判連州稍遷嘉定縣知縣
其所以賑卹飢疫者功倍於漳二載不通家問丙戌擔
簦跨蹇上都門槩無所修贄治行第一且注銓曹而依
依二親不能北請南遂得禮部儀制司主事故事禮曹
郎宴字費出諸伶悉屏去之移南選司主事遷考功郎
請託不行少宰海公瑞曰朱君嶷嶷其中流之砥柱乎

下交爲同志友，尋奉勅提督江西學政。凡二載，校士環
十三郡者再一日。臨建武，益王饋古槩，受而檄於學官，
以備羽籥。翌日以妃弟請，不應。諸豪貴不敢干人服。其
公而嚴，擢南光祿寺少卿，晉大理寺丞。時都御史李世
達侍郎趙用賢相繼去位，上疏言老成當惜，不報。尋以
外艱歸。服闋起，南通政司叅議，署司事。每黎明而訊兩
造，時璫使橫行，多所株逮。江潮道梗，上疏言小人蠱惑
萬乘，騷動畿輔，不報。無何而以瘖下。卒年五十有五。卒
之日，鄉人檢其遺，素僅得錢數銖，越葛一端而已。廷

益天性孝友，甘毳先奉二親，出入請命，祭祀躬自涓滌。
一稟古禮，待宗族友朋，多所賑貸，食無兼味，衣無重縷。
人有所請，曰：某不敢以子弟干人，可爲他人請，謂乎祖
父遺田，不增一畦，凡寸善片長之士，虛心引薦，不令人
知，不受人報，曰：行一善，易若成一人，所若有語錄若干
卷，詩百餘首，名曰：清白遺稿，蓋言志也。

兩浙名賢錄卷之三十八終